

Transkription von Stadtbucheintrag SWN 1491a

Ort, Datierung: Schwerin, 1491-06-04

Signatur: Stadtarchiv Schwerin, Ältestes Stadtverlaßbuch, Abt. 11, Nr. 11743, fol. 44b

Inhalt: Hans Molre: Wohnrecht; Hermen Westual: Schuldurkunde; Taleke Eggheren:
Schuldurkunde; Gretke Schepers: Schuldurkunde; Hermen Wredenhagen:
Schuldurkunde; Clawes Kort: Schuldurkunde; Junge Wilhelm: Zahlungsbeleg

Bemerkung: 1491-1493

Item is vns witlick vnde vor ¹ vns ghewisen Hans molre wonafftich vppe dem(e) Mor(e) / vnde hefft ge
geuen mit vulbord syner neghesten eruen nomelken Symon molres / zines broders do(e)n vor vnsz
Jeg(e)nwardich der erliken Juncfrouwen Tylsken sines / wyues suster de boden by synem(e) huse to
erem(e) leuende dar an(e) to wanende vnde der / vrige vnde qwyt to brukende vnde de to besittende
alle de daghe eres leuendes wen / ze ouer an vorstorwen is So schal de sulueste bode wedder , tho
dem(e) huse horen vn(de) wedder komen also ze vor(e) gheweset ys Signat(um) anno d(o)m(ini) (it
cetera) xcp(ri)mo am(e) / Sonнауende na Corporis (cristi) / ²

It(em) Hermen Westual is schuldich Henningh Krogher(e) wonaftich to Molne / vnde syner moder x
lub(esche) m(a)r(k) dar settet he em(e) vor(e) to bewaringhe syn hus / mit siner tobehoringhe negest
vor(e)scrifften Alse x m(a)r(k) der Stadt vnde / x m(a)r(k) sunte Johans ghilde dar schal he em(e)
vor(e) geuen to renthe alle / Jar(e) to sunte Johans dage xij s(chilling) vnde to segghent scholen ze van
beyden / siden hebben en verdendal Jares to vor(e)n to tosegge(n)de vnde de buden schal / de moder
hebben to erem(e) leuende So verne se de p(er)sonliken bewanen wyl / Anders schal ze to dem(e) huse
horen Signat(um) Anno quo supra am(e) Myd/sweken(e) na vitj / ³

It(em) hefft bekant vor vnsz de Errbare vrouwe Taleke Egghe(re)n bukouwen nage/laten(e) husfrouwe
, wo zē schuldich zi rechter witliker schuld ereme sone Hanse ⁴ xxx lub(esche) m(a)r(k) / dar se em(e)
vor(e) settet to bewaringhe eyne stücke land(es) von dren morg(e)n / dat darschut ouer dem lanckouwer
wech vp den papen dyck des mach / bruken vnde dar sik an holden so langhe wente me em(e) ze gheld
wedder g[hiffē] / vor dat is se eme schuldich xix m(a)r(k) j ? mark dat schal he aff krathen / van dem(e)
hus ghelde dat he ere van dem(e) huse noch schuldich isz vnde suluen / xx m(a)r(k) zin van dem(e)
pande vn(de) thonughe des versiken ? sig(natum) ? dar by van / [ziner ?] ⁵ wegghen hadden hefft /

Item Gretke nalaten(e) husfrouwe Marthen schepers is schuldich Hans / Murren vnser rades
medekompane(ne)n erem(e) broder(e) xv m(a)r(k) dar settet / ze em(e) vor(e)n to bewaringhe ene
morg(e)n ackers by der ouwe der mach / h ⁶ he broken vnde bowen vor de renthe so langhe dar he loset
werd(e) / eyne halff Jar(e) to vor(e)n to to segghende Signat(um) Anno d(o)m(ini) (it cetera) xcij /
D(o)m(ini)ca Judica / ⁷

It(em) Hermen wredenhagen vnde Anneke sin suster is sint ⁸ schuldich Clawes gloden x m(a)r(k) /
dar hebben se eme vor gesettet enen morgen ackers inbewaringe bolegen in deme gosell/wynkell h ⁹ den
mach he bruken vnde buwen vor de renthe so he lange he loset vart / anno d(o)m(ini) (it cetera) xcij ⁹
/ ¹⁰

Item Clawes Kort ¹¹ Kroger is schuldich clawes bake vnser rades medeku(m)pan dre marck vnde enen / schillingk den settet he em vore to bewaringhe enen morgen ackers bolegen vppe deme ostorpper / velde aff Jenne syth dem(e) knaken crutze negest vor schrifftten de mach he messzen vnde synen / mesz uth buwen Signat(um) Am(e) Auende mathej Anno d(o)m(ini) (it cetera) xciiij / ¹²

Item Junge wilhelm hefft vornoget Hans Bukouw h(er) Johan Kotendorpp vnde H(er)men / Alberdes ere andell dat se hadden an den vofftich marken de de schreue(n) stan to vorne / in dat stadt bok Anno d(o)m(ini) (it cetera) xciiij am(e) dinxtedage na concept(i)o(nis) marie / ¹³

¹ vor ? über der Zeile durch Auslassungszeichen nachträglich eingefügt

² 1491-06-04

³ vermutlich 1491-06-14

⁴ ereme sone Hanse nachträglich über dem Abschnitt durch Auslassungszeichen eingefügt

⁵ unleserliches gestrichenes Wort

⁶ h im Original durchgestrichen

⁷ gesamter Abschnitt im Original durchgestrichen, 1492-04-08

⁸ is im Original vermutlich gestrichen und über der Zeile durch sint ersetzt

⁹ h im Original durchgestrichen

¹⁰ 1493

¹¹ Clawes im Original gestrichen und durch Kort über der Zeile ersetzt

¹² gesamter Abschnitt im Original durchgestrichen, 1493-09-20

¹³ 1493-12-10